山庫全幸

史部

飲定四庫全書力朝編年備要悉一

詳校官編修臣謝振定

侍讀臣孫球覆勘 總校官檢討臣何思釣

校對官修撰 吳錫齡

謄録監生 張仲芳

欠己り自 纂次若司馬文正公之 莆 便省阅時方從事舉子業未之能也晚滯場屋決意 患篇帙之 干卷踵門而告曰均之幼也侍從祖丞相正獻 國朝史録諸書及眉山李氏續通鑑長編意酷嗜 田原君均以其所料呈朝編年舉要與備要之書 林堅問又以出入當世名流之門得盡見先儒 編年備要原序 1.4.5 繁未易識其本末則欲刑繁禄要為 稽古録侍郎 九別編年衛要 徐分及义 國紀 書

角写中屋人門 其書法或寓張氏于其間均今所書 憾的騙不自撰輒放而依之然文公所述前代之史 書音嘗讀朱文公通鑑 者春秋書事之法 司馬公目録樂要之作至是始集大成觀者亡復遺 不敢盡同文公之法也願 (編而網本李氏而其異同詳略之際則或参以 朝通略等書亡属十數家博政而互訂之于是 也而所謂目者左氏備言之體 原序 綱 目數其義 一言以述之何如徳秀讀 則惟據事實録 例之精密盖所 J. 謂 他

欽定四軍全書 葆衛扶植如恐失之此其所以大治也自熙寧輔臣 鋭之才嘉祐治平以前廊廟之計誤精神之論建相 疆 要而求之則自藝祖以來凡所以析天永命垂萬世無 其書彌月始盡卷則喟然曰美哉書乎聖祖神孫又 而不為 利之謀以儒立教而不溷百家雜駁之説求治寧悠 元臣故者之事業赫赫乎避鎮乎備于此矣然然其 休者大抵那越數端蓋其以仁立國而不雜 朝迫切之計用人寧樣鈍而不取小而 九朝編年備要 五 興 伯 輕

萬年之龜鑒也可是豈獨學者所當熟復哉看明在 至于橢貫極美此其所以致亂也凡百有六十七年之 經實尚空寂而學術光矣謂後苓者不思于起疾 新意改舊法高談古始旁祖美商而國脈病矣名為尊 行事可喜可慕可歎可愕者 鼐 瑶堡不足 俗安得而那壞章吕鼓其波二縣職其欲更倡遊 切雜進者皆決肠破胃之藥根本安得而弗傷謂 以適用而錯然前陳者皆奇從淫靡之 攬而盡得之真我宋 述

改定四草全 繼游天子之學今以累舉恩當對大廷不願就獨朝 固將有補于世非徒區區事記覽而已也君嘗與計 書斟酌損益皆有係理非安危所繫則暴而弗書其志 得其家學既又出從賢士大夫将以博其見聞故于是 知侍從蕃宣之彦無以是聞于上者乎君逮事正獻 垂精典訓有高宗成王之風使是書獲陳于前則所 發天聰緝熙聖德者何可勝既窮間下士雖無階 自進然夜光明月之珍蘊藏山海終有不可揜者 九朝編年備要

從之忘其道徐之籍羈旅之苦也此其用志豈世俗 可量哉迂愚不敏竊獨嘉之故為之述 在于 ~ 微欽四宗為四朝史用班馬體非一世一有司所 後聞四方之士可與商雅者不憚千百里索其書 史尚矣太祖太宗真宗為三朝仁宗英宗為兩朝 安真德秀謹書 則君既列之篇端矣故不復云紹定二年三月辛 此既積十餘年之力纂而成之又将次及于中 如此若書之 而

舊聞質之年工中為衛度以禪金匮石室之藏 日灵 氏專其家聞有提綱挈領之書書未之見今所見者 有修飾取李氏之目而頗加節文且網羅天下放失 秋意亦本朝史籍之綱也此書又取司馬氏之綱 秋嚴矣司馬温公雖未為本朝通鑑先為稽古**録祖** 也續通鑑長編稽國史做温公運之左氏則眉山李 生前陽陳均為之名曰皇朝編年舉要備要其取 以功精夫紀事之約未易言也孔子序書及筆 而

や己田和今

九朝編年備要

既言之 ピラモ 消長君子小人之進退前事不忘後事之 直 南與余遊 國家超越漢唐比方虞周者以仁立本也者乃陰 教文閣 止也 兹不赘云紹定二年冬十一月日南 漸 日告余日我朝祖功宗徳相 動其心師 從廿年矣足不出書室口不及世事利 庶勢有取馬是於昭代史學不其多益乎 知潭州 **太淵源蓋得所** 林出敬書 業 **孜孜為學** 師者 至朝議 臣誤惟 . 陽

たってつき から 得觀之傳示度廣人各欲得其書而力不能録逐 通 僕之鈍光不能强識欲暴作二 便誦記不敢外示也積 鑑 以會其同約其詳而補其略庶幾文公未先生所 書包括無遺本末可考但浩如煙海學者莫知涯 綱目之意而非敢僭以自此馬此書幸成 相聯屬者亦或互見麥稽國史出入諸書 朋友共之 非平甫志也平甫從客語余而色 九朝編年備要 年而書成余與二三同志 書 一舉其要 五 则得 相 訂

源聖子神孫世守弗失盖將與此該並行此其澤在 而私為衛等書生記誦之具乎平南日不敢遂書於 祭舉宏撮要在幾務之繁元便省覽子其能終秘 為臣而得是書則可以寅亮天工輔成君德沢子 紹定已五中秋長樂鄭性之書 法垂後世為君而得是書則可以彌綸天道扶植 余應之日祖宗以仁厚得民以紀 女龍外戚强臣與夫大刑戮之事悉杜其漸而室 区屋 الالمالال 綱立國如前代 閥


久了四年至三 十萬言該之則疎諸書雜出寧免抵牾去取之間 無窮均衡等下士益當拜手精首飲社肅客竊觀皇 偏見而折東諸書则僭冊書重大未易編摩而以 志良苦力良勞其如犯三不難何以私家而哀國史 失倫而有所華刺是懼私質諸朋友或有該均者 測況以均之資票魯鈍不能强識輯成此書深以 朝國史諸書勒琬恐獨日月固將與五三載籍相為 範巨麗之萬一 邀者層霄法予張海有非蟲管所能 九朝編年備要 八

雕 忘 赮 書 當則 諸書文 固 無 レモ 可疑云爾 阶 要主於事 並行 3)]= JŁ. 舛 官 書 敢求與之並行而 或原 雕 均敬應之 於世家傳 無此書 少损 實而 共 如欲質 於信事 始或要其終或 不敢 奚其疎光夫 人誦 口剛 其秋水 "信傅 必以 今所 朝 则 信 不 增於前諸書 解者持欲 日 也異其僭荷 八姓誠 詳 與夫 月為斷 ソス 附 有太史 有之 見 或以 便 亦 ム 幡 摭 固 無 鉅 信 腁 輝 儒 類 肵 自 其 從 粘 所 慲 بالان 可 双 也 遺 博 信

ススタの一人は 拜手措首謹識 書在既以對或人因併書于下方前太學生前田陳均 九朝編年備史

					イラセノコー
			·		原序
		•			

アンモワも十七里ョー 載本朝之事則雖綱目之例亦不敢盡用謹摭 各立凡例不敢純用春秋之法〇朱文公資治 通鑑綱目間或祭用春秋之法而不盡用今紀 惡自見者後世作史之體也故自司馬氏以来 凡十五條其餘變例有該括不盡者隨事斟酌 本朝諸帝紀及文公綱目祭訂立為正例雜例 以一字為褒貶者春秋之法也據事實録而善 九朝編年備要



大きコラーへいす 征伐 號令 沿革 以上二條凡有關於治體民俗者必書之 獻此書大征伐例也其餘小征伐多書云某 貞觀三年以李靖為某道行軍總管討突厥 國犯邊命某人禦之 夏四月行軍副總管張寶相擒頡利可汗以 四年李靖襲破突厥于陰山頡利可汗遁去 凡詔誥命令之屬 制度改更及申明科禁之屬 九朝編年備要

金グモノノニー 殺生 警及小小冠盗則不書 以上二條今做其例隨事斟酌書之或疆場小 賊方臘及十二月以童貫為江淮荆浙宣撫 賊例也小者書法又從簡畧 使以討之三年春正月方臘陷婺州又陷衢 州守臣彭汝方死之夏四月賊平此書大盗 又如徽宗紀云宣和二年十月睦州青溪妖

大きり事へふう 除拜 伏誅 立后○歷代帝紀皆云立某封某氏為皇后封號已 麟徳元年郇公孝協坐贓賜死 貞觀二年冬十月殺瀛州刺史盧祖尚○四年秋 月殺大理丞張藴古 水凝四年二月散騎常侍房還愛及高陽公主謀及 以上三例今用後二例斟酌書之 九朝編平備要

金にノヒノへ 内職〇本朝帝紀凡妃號皆書綱目惟有關繁者則 建儲〇武徳九年立子承乾為皇太子 公主下嫁○貞觀十一年以南平公主嫁王敬直○ 書 見前者不書如自外聘入者書云納皇后某氏 十五年以文成公主嫁吐蕃 以上二條今從其例書之 以上二條今系酌用之

大主四号一个三三一 宰執○本朝帝紀凡宰執拜罷貶降薨卒皆書 除拜書法如貞觀三年二月以房玄齡杜如晦為 拜罷並書如哲宗紀元祐元年閏二月蔡確罷司 僕射魏徵守必書監条預朝政〇舊官未見前 馬光為僕射兼門下侍郎 則如永嶽六年以中書侍即李義府參知政事 以上二條今斟酌用之 今於宰相必書執政以下有關繁則書否則畧 九朝編年備要

金がし 麂卒書法諸史例皆不同本朝諸帝紀凡大臣在! 罷則前史及綱目其書法不同或云罷或云免或 位及雖去位而非貶責者皆書薨綱目皆書卒 注文無甚關繁則暑之 云罷為某官 執政以下及諸臣之卒有所關繁雖微必書或 今從帝紀在位者皆書去位者有所關繫則書 今做綱目例皆書罷其所除授之官見於備要

K calar Latio 貶降書法綱目或書貶某人為某官或云點或云 致仕書法與上同 安置居住之屬書法如儀鳳元年郎王素節袁州 附書其官並見備要注文否則雖貴不書 安置 今隨事斟酌用之 降或云削 如哲宗紀紹聖四年二月追貶日公著為建 九朝編年備要

金ガルをたんこ 武軍節度副使司馬光為清海軍節度副使王 光禄卿分司南京點韓維以下三十 嚴奧為雷州別駕奪趙瞻傅堯俞贈諡韓維致 有差比詳書法也綱目顯慶二年秋八月貶韓 節度副使安置于循新雷化永五州劉奉世為 舒州團練副使劉擊為鼎州團練副使蘇轍為 仕及孫固范百禄遣表恩澤又云貶吕大防為 化州别駕梁燾為雷州别駕范純仁為武安軍 人輕重

てこりこと ノニ 行幸 雜例 宗室自國公以上及外戚內臣之貴者其除拜本 朝帝紀皆書 今隨事斟酌用之所貶之官所居之州見備要 今以有所關繁則書否則畧 瑗来濟褚遂良皆為遠州刺史此畧書法也 注丈 **九別編年前要** ÷

金グロテんと書 賜宴 繕脩 福門觀百戲此又一例 帝還宫此書行幸遠地之例也永藏元年二月御安 貞觀六年九月如慶善宫此書行幸近地之例也十 貞觀六年七月宴近臣于丹霄殿十二月宴五品以 上于東宫 月帝如维陽觀砥柱祠禹廟遂至蒲州閏二月朔 凡. 例.

たモロ車へ下す 郊祠 殿為明堂 官○五年以明堂為乾元殿十年冬十月復以乾元 貞觀六年九月修雒陽宮○開元二年六月作與慶 諸史書例不 關繁則書賜宴繕修亦然大工役如修京城築 以上三條今於遠地行幸必書餘則斟酌有所 河隄之類必書 九朝編年備要

金デンモ・ナイニョ 進書 賞賜 貞觀十七年房玄齡等上島祖今上實録○開元二 志寧孔類達等束帛此皆或因事而書今從之 貞觀四年加李靖光禄大夫〇七年賜太子庶子于 始則書有所關繫則書宗廟升祔之類亦同 以其帝配則隨時書之明堂亦然其餘祠事創 今於郊祀明堂必書郊祀通鑑曰郊分祭合祭 凡例

6/Sel Plant Askin 振邺 蠻夷朝貢 蠻商謝元琮等来朝○四年林邑遣使入貢 貞觀三年十二月突厥突利可汗入朝○閏十二 贞觀七年九月山東四十餘州水遣使振之 十年九月開元禮成 以上二條个斟酌用 今於其始通中國則書或因事而見則書 九朝編年備要 月

金グレノノニ 蠻夷君長死立 冊或書立此皆書自朝廷立之之例也 例也開元二十八年以阿史那與為付姓可汗或書 永嶽四年十二月西突厥吐陸可汗死此書死例也 貞觀十二年西突厥乙毗可汗立此書其國中自立 年末餘則不正之變者例不盡詣 今於遼國高麗西夏交趾諸國斟酌輕重書干

钦定四庫全書 C. Target 九朝編年備要 はない 編年類

開頸二年	開實元年	乾德五年	太祖皇帝	卷二	乾德四年	乾德三年	乾德二年	(1) 「一」 「一」 「一」 「星生

大定日華一十二月改太平興國元年	開寳九年	開實八年	開寳七年	開寶六年	開寳五年	開寶四年	開寶三年
1							

金グレノハー 卷三 太宗皇帝 太平與國二年 太平與國六年 太平與國四年 太平與國五年 太平與國三年 太平與國七年

欽定四庫全書 ■ 卷四 太宗皇帝 端拱元年 雍熙四年 雅熙三年 雍熙元年 雍熙二年 太平與國八年 九朝編年備要

卷五 太宗皇帝 淳化五年 淳化二年 第化二年

次正四事全智 四九朝編年備要	咸平三年	咸平二年	咸平元年	真宗皇帝	卷六	至道三年	至道二年	至道元年
rg r								

卷七 真宗皇帝 景德三年 咸平四年 咸平六年

大いコーへにもコー・人朝編年備要	上午半年五年	ないったりまなかり	卷八	大中祥符四年	大中祥符三年	大中祥符二年	大中祥符元年	景德四年
<u></u>								

金にノビアとノニア 大中祥符八年大中祥符八年 天禧二年 天禧四年

天里四年	天聖三年	天聖二年	天聖元年	仁宗皇帝	卷九	乾與元年	天禧五年
年 月 月 馬 年 尚 妻	年	年	年	,		年	年
<u>*</u>							

天聖八年明道二年	天聖五年
----------	------

卷十一	實元二年	實元元年	景祐四年	景祐三年	景祐二年	景祐元年	仁宗皇帝
九朝吳年備要							
Ł							

金岁已是人工 康定元年 卷十二 仁宗皇帝 慶歷四年 慶歷二年

をごりこう 一人 丸朝編年備安仁宗皇帝	卷十四	慶歷八年	慶歷七年	慶歷六年	慶歷五年	仁宗皇帝	卷十三
? 1							

至和元年	仁宗皇帝	卷十五	皇祐五年	皇祐四年	皇祐三年	皇祐二年	皇祐元年	金グロノノニー
•								

7

欠正可事人的 一九朝編年備要 · · · · · · · · · · · · · · · · · · ·	嘉祐四年	仁宗皇帝	卷十六	嘉祐三年	嘉祐二年	嘉祐元年	至和二年
<u>7.</u>							

金万五月五年 卷十七 治平元年 嘉祐八年 治平三年

C)7;	卷					卷	
でいることよう!	卷十九	熙寧三年	熙寧二年	熙寧元年	神宗皇帝	巻十八	治平四年
九月編年前要		千	千	平			平
†							

熙寧九年	熙寧八年	神宗皇帝	卷二十	熙寧七年	熙寧六年	熙寧五年	熙寧四年	金ガノセルノニー
	-							日绿
	,							

Non Chian	元豐五年	元豐四年	神宗皇帝	卷二十一	元豐三年	元豐二年	元豐元年	熙寧十年
九朝編年備要								
+								

金少四月八里六年 卷二十二 哲宗皇帝 元祐二年 元豐八年 元豐七年

卷二十四	元祐八年	元祐七年	元祐六年	元祐五年	元祐四年	哲宗皇帝	卷二十三
-11-1-1-1-1-1-1-1-1-1-1-1-1-1-1-1-1-1-	-				-		

元符元年	哲宗皇帝	卷二十五	紹聖四年	紹聖三年	紹聖二年	紹聖元年	哲宗皇帝
·							

やかいないしたかい	卷二十七	崇寧二年	崇寧元年	建中靖國元年	徽宗皇帝	卷二十六	元符三年	元符二年
九朝編年前要				年				
+11	·							

ここのまた、 九月編年備要 政和六年	政和五年	政和四年	政和三年	政和二年	政和元年	微宗皇帝	卷二十八
+9							

宣和元年 宣和元年 卷二十九 凝宗皇帝 宣和三年 宣和四年

文是四三人与! 卷三十 欽宗皇帝 靖康元年 宣和七年 宣和六年 靖康二年 宣和五年 正月至四月 九朝編年備要

德秀序稱皇朝編年舉要與備要合若干悉 臨文獻通考載均編年舉要三十老備要三 則當時舉要備要本共為一書令其舉要亦 中與舉要備要皆供此書前有紹定二年真 十卷又有中與舉要十四卷備要十四卷今 於朝者動下福州宣取賜均官迪功郎馬端 均字平前號雲嚴莆田人端平初有言是書 臣等謹案九朝編年備要三十卷宋陳均撰

たっとりこととう 為武特據事直書不加褒貶耳觀均自序其 於尋閱故尚非大事則略而不書林出序謂 頗加節文足以括其體例然實以通鑑網目 太祖記敏宗凡九朝事迹欲其篇帙省的便 取司馬氏之綱而時有修飾取李氏之目而 光徐度趙汝愚等十數家之書博改五訂始 續通盤長錦刑繁攝要勒成一帙無採司馬 供存者惟此編耳其書取日歷實録及李素 河高一衛

シェノロドル たっち 宗肯可見也乾隆四十五年十一月恭校上 總 總展官臣紀的臣陸錫熊臣孫士毅 校官 臣 陸 쀩

飲定四庫全書力朝編年備要悉一

詳校官編修臣謝振定

侍讀臣孫球覆勘

校對官修撰 吳錫齡 總校官檢討臣何思釣 謄録監生 張仲芳

ころのころのころです 太祖皇帝此两寅乾他四年 **庚申建隆元年** 欽定四庫全書 五年 是歲周禪位唐國主李景吳越王錢俶荆南高保融 湖南周行逢漳泉劉從效奉正朔蜀主孟昶稱廣政 九朝編年備要卷 二十三年南漢主劉銀大寶三年北漢主劉鈞天會 九別編年備要 宋 陳均 撰

金ラビアノニー 春正月甲辰上受周禪即皇帝位 威數從征伐立大功于是主少國危中外始有推戴 軍士聚于驛門議曰主上幼弱我輩出死力破賊誰 黑光相盪指謂上親吏曰此天命也是夕次陳橋驛 **夘大軍繼出軍校苗訓號和天文見日下復有一** 卒五翔北邊奏契丹北漢連兵犯邊周帝命上 之議士寅殿前都副點檢慕容延到的前軍先發癸 衛諸将禦之上在周朝掌軍政凡六年士卒服其恩 | 有宿 E

呼萬歲上固拒之不可共扶上上馬摊逼南行匡義 則相與共扶出廳事或被上身以黃袍且羅拜庭 待旦上醉卧初不省黎明軍士援甲執兵直叩寝門 守信都虞候王審琦二人皆素歸心上者将士環列 理晓譬之諸将不可乃造人馳告殿前都指揮使石 處紅具以事白上弟臣義及掌書記趙普因共以事 則知之不如先立點檢為天子然後北征都押衙李 曰諸将無主願策大尉為天子上驚起披衣未及應 一月福年前一

也汝等無得凌暴近世帝王初入京城皆縱兵大掠 帝及太后我皆北面事之公卿大臣皆我比肩之人 然我不能為若主也衆皆下馬曰惟命是聽上曰少 誅汝衆皆拜乃整軍自仁和門入秋毫無所犯上 擅刼府庫汝等无得復然事定當厚賞汝不然當族 本願號令諸將禁戢攘奪上曰甚善乃攬轡誓諸将 日汝等自倉富貴欲立我為天子能從我命則可不 叩馬請曰治天下者當使百姓戴若君父京師天下根

一金はとしたとき

序還即位羣臣拜賀奉周帝為鄭王太后為周太后 使引上就龍墀北面拜受記宰相扶上升殿易服東 帝禪位制書翰林承古陶穀出於袖中遂用之宣粮 已從之乃奉上詰崇元殿行禪代禮班定獨未有周 及對羅彦環挺劍而前曰我輩無主今日必得天子 為六軍所逼一旦至此輕負天地将若之何質等未 上叱之不退質等不知所為王溥降階先拜質不得 公署諸将擁范質等至上嗚咽流涕曰吾受世宗思

大定口事至一

九朝編年備要

遷居西宫 上之初即位也欲陰察羣情頗為微行或諫上輕出 爾謂為天子容易耶乘快指揮一事而誤故不樂耳 上一日罷朝坐便殿不樂者久之左右請其故上日 曰有天命者任自為之不汝禁也軍校有獻手過者 耳者皆殺之我終日侍側不能害也既而微行愈數 上笑曰帝王之與自有天命周世宗見諸将方面大 曰可備不虞上笑投之地曰使我親用此事将奈何

次起日華を与 贈周韓通官 大赦改元 乙已韶定有天下之號曰宋 嘉其臨難不茍免也通與上同掌禁衛上之入京 師 追贈通中書令仍以禮葬之 因所領節度州名也 且當是時此物固足恃乎 也通時為副都指揮使欲率衆備禦王彦昇殺之上 九朝編年備要 以珍昇葉命專殺終身

メシリンド・ 超進石守信等官職 指揮使張光翰自虎捷左廂都指揮使為馬步軍都 點檢張令鐸自步軍都指揮使易鎮為馬步軍都虞 揮使高懷他自馬步軍都指揮使易鎮為殿前副都 守信自殿前都指揮使易鎮為侍衛馬步軍副都指 不授節鉞 指揮使趙彦嶽自虎捷右廂都指揮使為步軍都指 候王審琦自殿前都虞侯升防禦為節度為殿前都 次定四車全書 -皇弟匡義加睦州防禦使 遣使請諸州振貸 以趙普為右諫議大夫樞客直學士 揮使 倫戸部郎中 官日餘慶攝推官沈義倫皆在幕府至是普以佐命 功遷乃召熙古為左諫議大夫餘慶端明殿學士義 初上領宋鎮普為書記與節度判官劉熙古觀察判 九朝編年備要

立太廟 賜名光義 春祀司命及戶夏祀竈季夏祀中雷秋祀門及厲冬 諡曰文懿曾祖班諡曰惠元廟號順祖陵曰康陵妣 尋上高祖朓 諡曰文 獻廟號僖祖陵曰欽陵妣崔氏 祀行皆實儀所定也 食薦新三年一拾以孟冬五年一稀以孟夏其七祀 從有司之請也嚴以四孟月及季冬凡五享朔望薦

一次定四車全書 一 加范質王溥魏仁浦吳廷祚官 月尊母太夫人杜氏為皇太后 時聶崇義所上郊廟器玉新圖尹拙等多所駁難乃 **处劉氏諡曰簡穆考弘殷諡曰昭武廟號宣祖陵曰** 安陵陵名諡號皆實儀所撰定也 悉令儀裁定頒行 桑氏諡曰惠明祖敬諡曰簡恭廟號翼祖陵曰定陵 上待周三相並以優禮質自司徒平章事昭文館大 九朝編年備要

三月定色尚赤臘用戊 因馬 時質溥皆罷參知樞客又加樞客使吳延祚同二品 侍郎平章事集賢殿大學士加右僕射自唐以来三 以其父名璋故避之 脩國史祭知樞客院事加司空仁浦自樞客院中書 學士参知樞客院事加侍中溥自右僕射平章事監 入館職皆宰臣兼之首相昭文次監修次集賢國朝

火定四車公馬 夏四月定樂名 昭義李筠據澤州命石守信等討之 筠在鎮逾八年陰為跋扈之計周世宗每優客之上 改周樂文舞崇德之舞為文德之舞武舞衆咸之舞 為武功之舞十二順為十二安樂章皆廣儀所定也 像置廳壁泣涕不已潜遣其親吏住北漢納麸求援 遣使諭以受禪筠既延使者置酒張樂遽索周祖畫 有司言周木德木生火故也 九朝編年備要


從事問丘仲卿說筠曰公孤軍舉事其勢甚危雖倚 之汾水趙華曰李筠舉事輕易必无成陛下掃境赴 天下計之上也筠不能用北漢主傾國南下羣臣餞 上黨自帥其衆南出與守信等遇于長平守信等大 章衛融宣嶽使盧替將兵救筠筠留具長子守節守 之臣未見其可北漢主拂衣上馬軍于太平驛遣其平 不如西下太行直抵懷孟塞虎牢據洛邑東向而爭 河東之援恐亦不得其力大梁甲兵精鋭難與爭鋒

赦 たミロニムラ 郭進加洛州防禦兼西山巡檢 五月已亥朔日有食之 遷周廟 一親征李筠六月克之 破之盧替溺死筠走保澤州諸軍 備北漢也 初詔改作周六廟于西京至是成遣官奉神主選馬 九朝編年備要

インノし 秋七月上至自澤州 漢主遁歸謂趙華曰果如卿言吾幸全師以歸但恨 筠自焚獲北漢衛融進攻路州筠子守節以城降 罷為左僕射遂使食其禄終身以趙弘兼平章事 尋以融為太府卿初融之被執也上詰融日汝教劉 失衛融盧賛爾由是重文學之士久之華請老時已 十口衣食劉氏誠不忍員之陛下宜速殺臣臣必不 釣助李筠反何也融從容對曰大各吠非其主臣四 ノグラー **炎定四車全書** 以咎居潤權知鎮州 置待制候對官賜廊下食 月朔御崇元殿行入閣儀 初以知州易方鎮也 釣求周光遜李廷玉約亦歸融太原釣不報融遂留 曰忠臣也釋之命以良樂數其瘡上命融致書于劉 右以鐵檛擊其首血流被面融呼曰臣得死所矣上 為陛下用縱不殺臣終當問道走河東耳上怒命左 九朝編年備要

御前殿非唐舊矣崇元殿即大慶殿前殿也待制候 既廢正衙立仗而入閣亦希潤不講至是復行之然 御紫宸殿即喚正衙仗自宣政殿两門入是謂東西 對者亦唐制也每正衙待制官兩員正衙退後又令 不御次宣政殿謂之正殿每坐朝必立仗于正衙或 百官從容至閣門入蓋唐前含元殿非正至大朝會 一閣門故謂之入閣其後遂為常朝之儀五代以来 閣唐制起于天寶明皇以无為守成詔晏朝與仗 **火足四車全事** 立夫人王氏為皇后 頒新權衡 以皇弟光義領泰寧節度 唐末浸廢但於入閣起居日賜食今循其制 彰徳節度使饒之女也 食起唐貞觀其後常参官每日朝退賜食謂之郎 即有待制次對官後唐天成中廢至是復行之郎 六品以下于延英候對皆所以備顧問具後每入閣 九朝編年備要

荆南高保融卒 以趙普為樞密副使 九月命石守信等討淮南李重進 請援于唐唐主不敢納 重進周太祖之甥也上之受禪重進請入朝上賜詔 師還論功上曰普宜在優等遂遷 上之征澤路也普請行上笑曰卿豈勝甲胄耶至是 止之重進自以前朝舊親恐不得全乃決意反遣使 卷 たとロートニョ 呉越榷酒酤 貶趙逢官 始泉 懷州及師還将大有除拜逢又稱疾請于私第草 自取數石于馬上抱之下皆爭員逢憚險偽傷足 **弗保弱領軍務保融性迁緩御軍治民皆無法髙氏** 逢時為中書舍人上之征澤路也山徑狹隘多石上 一怒貶房州司户 九朝編年備要 へ留



欠了回事人二言 定縣望 誅唐叛臣杜著 益懼上命斬著于下蜀市良配隸盧州牙校 事青池州文學亦挺身來犇且獻平南策唐主聞之 上使諸軍習戰艦于迎鑾唐主懼甚其小臣杜者頗 重進自焚 有辭辨偽作商人由建安渡來歸而彭澤令薛良坐 一月上至自揚州 九朝編年備要

寛商征 金グロノハー 是藏幸國子監 唐泉州留從效稱藩 萬七千有奇 自唐末藩鎮擅利其後諸國分據故征權尤繁是年詔 所在母得苛留旅人非有當第之幣勿搜其篋 以户籍為率户四千以上為望次為緊為上為中為 下凡五等三年一定版籍之數國初户數凡九十六

遣使度民田 春正月幸造船務閱習水戰 卒酉建隆二年 籍記人才 應內外官為時所推者別籍之以待不次選用 年南漢大寶四年北漢天會六年 唐國吳越荆南湖南漳泉奉正朔蜀稱廣政二十四 通鑑書在四月范祖禹帝學書在正月次月又幸 九朝編年備要

浚祭渠 浚五丈渠 二月幸飛山營閱炮車 通東北之漕也亦命陳承昭督之夾汴河造斗門 通淮右之漕也命右領軍陳承昭督其役 周末遣使度田多失實至是上精擇其人仍加戒飭 未幾館陷令坐括田不實杖流海島而人始知畏 日河渠之役非獲已煩民奉已之事朕不為也後改

遣使監輸民租 唐李景遷南昌 蔡渠為惠民河五丈渠為廣濟河 尤悉上更賜公粟以媤之後閆式等並坐監輸增羨 懲五代藩鎮重斂之弊也時符彦卿在天雄軍取民 即詔官給其食 汴都仰給漕運歲調丁夫浚河糧皆自齎上初即位 眨秩常盈倉更以多入民租棄市而民力方少甦 九朝編年備要 1

·飲定四事全書 - ■

三月内酒坊火 臣日夜思歸唐主大怒欲誅始謀者唐鶴發病卒 極客院事湯悦佐之悦即殷崇義也姓犯宣祖請改 誅酒工五十人宰相極諫上遽命釋之獲免者尚十 馬唐主至南都城邑迫監官府營解十不容一二草 立吳王從嘉為太子監國守建康以左僕射嚴續知 酒工來火入三司盗官物酒坊使左承規等坐棄市

|欽定四庫全書 | 閏月解慕容延到韓令坤兵權 却長春節及他慶賀貢献 幸作坊宴射 龍乎上笑而罷翌日彦超上表待罪上遣中使惧撫 經宿未嘗不悔也 納朕彦超頊首曰當時臣 之因謂侍臣曰沈湎于酒何以為人朕或宴會至醉 一酒酣顧謂王彦超曰卿向在復州朕往依卿何不 九朝編年備要 一刺史耳勺水豈能容神

夏四月癸巳朔日有食之 金房等州飢遣使販之 復除授 京師之兵以殿前侍衛二司領之時殿前司領騎兵 之獨三十七步兵之額二十六侍衞司領騎兵之額 三十五步兵之額八十三 衛親軍都指揮使為成德節度自是殿前都檢點不 延到自殿前都點檢能為山南西道節度令坤自侍 次定四車全事 九朝編年備要 嚴贓吏法 **寬麯鹽酒禁** 漢法犯私麵者並棄市周祖始令至五斤死至是詔 時商河令李瑶坐贓杖殺自是贓墨之吏問有真極 地貿易至五十斤私煮至三斤者坐死以鈔鹽、 刑者 犯私麵十五斤以私酒入城至三十者始處極刑其 餘論罪有差又以前朝鹽法太峻定以官鹽闌入禁

五月秋 置諸軍利員 罷常奏官序遷法 寬之罪至死者奏裁法益輕而犯者益鮮累朝復從 市三十斤以上者奏裁越明年及乾德四年申下詔 皇太后寝疾上憂懼乃降是赦 寬減不復用死刑矣 以處退兵令所在揀閱升驍勇退老弱

欠足口事人一 九朝編年備要 嚴故入法 募傳置卒 門衛將軍魏仁滌等治市在有美並詔增秩自是不 超判官左扶並坐故入抵罪自後人始知奉法 先是調丁夫為之民以為苦 舊制皆以歲月序遷上曰此非循名責實之道會監 五代以来牧守多武人率意用刑至是金州防禦仇 以序遷矣

金ラモルと言 唐主景死 六月皇太后杜氏前 位光義曰若周有長君汝安得至此因命趙普于榻 子煜立即從嘉也煜遂以景喪歸金陵尊母鐘氏為 前為誓書其尾曰臣普記藏之金匱 日趙書記且為盡心吾兒木更事也及寢疾戒上傳 后聰明有智度每與上參決大事猶呼趙普為書記 大后后父名泰章易號与聖尊后立妃周氏為國后封 卷一

秋七月解石守信等兵權 帝王數易由節鎮太重君弱臣强而已令莫若少奪 為民患至是罷之民稍休息 唐用辱徳明等議與復曠土為屯田典掌者非人大 章事湯悦右僕射樞客使罷諸屯田務歸出縣先是 其諸弟從善從鎰從諫從度從信以嚴續為司空平 與國家為長久之計具道何如普因言自唐季以來 一既誅李筠及重進一日召趙普問吾欲息天下兵

火王四事全事 一九朝編年備要

アンドノレット ハコ 定誰敢復有異心上曰不然汝曹雖無異心如麾下 守信等皆曰何故上曰是不難知居此位者誰不欲 其權制以錢穀收其精兵則天下自安又言石守信 念爾曹之德无有窮盡然終夕未嘗敢安枕而卧也 為之守信等皆項首日陛下何為出此言今天命已 信等宴酒酣屏左右謂曰我非爾曹之力不得至此 王審琦等皆非統馭才宜授以他職上悟于是召守 之人欲富貴者何一旦以黄袍加汝之身爾雖不欲

骨內也明日皆稱疾請罷乃以侍衛都指揮使石守 富貴者不過欲多積金錢自娛樂使子孫無貧乏耳 且與爾曹約為婚姻君臣之間兩无猜疑上下相安 子孫計多置歌兒舞女日飲酒相数以終其天年我 哀矜指示可生之途上曰人生如白駒過隙所為好 爾曹何不釋去兵權出守大藩擇便好田宅市之為 為其可得乎皆頻首涕泣曰臣等愚不及此惟陛下 不亦善乎皆拜謝曰陛下念臣等至此所謂生死而

次定四事全書 九朝編年備要

張瓊為殿前都虞候 以皇弟光義為開封尹同平章事 除授 前都指揮使王審琦為忠正節度侍衛都虞候張令 信為天平節度殿前副點檢髙懷德為歸德節度殿 鐸為鎮寧節度皆罷軍職獨守信兼侍衛都指揮使 如故其寔兵權不在也殿前副都點檢自是亦不復 謂衛士如虎狼非瓊不能制

次定四車全事 一 内客省使王替知揚州 月削義武孫行友官 覆溺死上悼之曰溺吾樞客使也 上以江南木下素知替有材有意大用之替之任船 初唐制百職皆九寺三監分典自開元中置諸司使 以下二十名謂之西班 使謂之横班皇城使以下二十名謂之東班宫苑使 而寺監之務始多歸馬國朝因之自內客省使至閤門 九朝編年備要 Ŧ

女真貢馬 歸山上不許行友懼乃繕合甲兵将還據狼山以叛 禁錮私第 鎮趙之兵偽稱巡邊直入定州行友不之覺既而出 行友在鎮逾八年上初即位行友不自安累乞解官 詔示之令舉族歸朝行友倉皇聽命既至削奪官爵 兵馬都監客表其事上遣閤門副使武懷節馳騎會 女真本名朱里真土語舌音訛為女真或曰慮真避

字地皆山林險絕其俗剛勇善射其居以樺皮為屋 言及女真自是聞于中國契丹阿保機乘唐表取北 方諸蕃三十六女真在其中自後雖曰臣屬契丹然 契丹諱又曰女直肅慎之遺黎而渤海之别族也或 亦服叛不常契丹羈縻而已與契丹言語不通無文 落不相統制唐貞觀中渤海來朝太宗問其風俗因 謂勿古唐所謂黑水靺鞨者即其地也有七十二部 日本姓智三韓辰韓之後三國志所謂挹婁元魏所

次定四事全書 |

九朝編年備要

=

九月唐主煜使馮諡来貢 之至是以名馬米貢 中國總管也宗室謂之郎君事無大小必以郎君總 宗既取江北胎書江南如唐與回鶻可汗之式呼國 唐主手表自陳本志沖淡不得已而紹襲事大國不 官之尊者以九曜二十八宿為號職皆曰勃極列猶 敢有二鄰于具越恐為所聽上優韶以各馬初周世 主上因之於是始改書稱詔 卷 大芝四車人二方一 冬十月禁邊民出塞盜馬 遣使如唐弔祭 以高保弱為制南節度 初五代募民盗戎人馬官給其直籍數以補戰騎之 刑上日齊之以刑宣若其自然耶要當審擇其人耳 以謹敕頗聞鮮克由禮遠人何觀馬左右請齊之以 上召見面賜約束因謂左右曰朕每遣使四方常諭 保弱淫恣記室孫光憲諫之不聽 九朝編年備要 Ŧ -27

明憲皇后祔葬安陵 金ドノー 初回鶻既為點戛斯及唐将石雄等所破餘衆西奔 後改諡昭憲 夷狄畏慕不敢內侮 闕上欲保境息民遂加禁止前所盜馬盡還之由是 吐蕃宜之甘州可汗景瓊其後也至是遣使来貢 月回鶻于聞来貢 月幸國子監 / /:TI

春正月賑淮南飢 壬戌建隆三年 貸之至秋收新栗有司沮曰若歲荐飢將無所取償 唐國吳越荆南湖南漳泉奉正朔蜀稱廣政二十五 初沈義倫使吳越歸言揚四飢民多死郡儲尚多可 上以詰義倫對曰國家方行仁政自宜感召和氣立 **寸闖王聖文自言出于唐宗室云** 南漢大寶五年北漢天會七年 九朝編年備要

火笔四事(字)

幸國子監 詔長吏觀課農桑 金グレノイニー 月嚴舉主連坐法 官舉幕職令録有罪連坐 去歲太僕少卿王承哲坐舉官失實貶至是命 致豊稔上悦從之 自後或因歲首必下此詔 乾徳間命陶穀等各舉其充郡佐者謬舉者坐罪

幸國子監 定竊盜贓滿法 決定四車至一三 詔百官轉對 三月定大辟詳覆法 懲五代藩鎮專殺之弊初令諸州卷大辟案委刑部 满五贯足陌者死 每五日内殿起居以次轉對指陳時政得失事關急 切者許非時上章 九朝編年備要 古

インドノゼ ・ナ 詳覆既又從宗正丞趙郃之請令諸州録參與司法 近代慝網之客耶蓋有意于措刑也故自開實以後 禄同斷獄 自二年至今計所貸死罪凡四千六百八人 犯大辟非情理深害者多貸其死八年三月有司言 勿令掌膳者知 上性寬仁多恕尚食供膳有蝨緣食器旁謂左右曰 一嘗讀堯典數曰堯舜之世四凶之罪止從投寫何

沙定四車全事 一 更定合班儀制 詔以官車送軍衣 擾民 開寶初詔諸道辇送上供錢帛舟車並從官給勿以 官為侍從班五品壓南省四品六品壓南省五品節 遣上節度使在六曹侍郎上中書侍郎下故事北省 升六曹侍郎在給舍上郎中在補闕上員外郎在拾 送戍卒衣並官給車乗母得調民 九朝編年備要

留從效卒 禁火葬 兄從願之子紹鑑嗣領軍務未幾衙将陳洪進誣紹 乃詔分臺省于東西遂為定制 保王溥班在臺省官後謂左右曰溥舊相當罷異之 從班內殿起居立于一品之前乾德間上見太子太 鏹謀附錢氏執送于唐推張漢思為留後 度使在諸司二品下至是改馬又故事臺省官為侍 卷 火軍四車 二十 遣使按河北旱田 定難李桑與貢馬 夏四月追册皇后賀氏 是年七月復遣 即奏殷也李氏世為定難軍節度使奏與後唐清泰 中襲兄奏超之位周顯德中封西平王 諡曰孝惠 上方命工治玉帶即遣使以帶賜之舜與感服桑與 九朝編年備要

一金グモノベー 五月嚴差役法 符人力手力散從官以奔走驅使在縣曹司至押録在 乾德二年詔長吏視早即蠲其租勿俟報 詔令佐檢察差役有不平許民自相糾舉京百司補 州曹司至孔目官下至雜職院虞侯楝稻等人各以 鄉書手以課督賦税者長多手肚丁以逐捕盗賊承 吏須不碍役乃聽 差司古法也國初循舊制衙前以主官物里正戶長

錢其舊以保正代耆長催稅甲頭代保長承帖人代 長户長之役則歸于催稅甲頭是使民出錢免役而 復使之執役也有旨者户長壮丁並募充等第給産 隸其下元豐八年有言者壯之役則歸于保甲之正 年龍者長令保正大保長管幹別立庸直住承帖 察盗賊七年輪保丁充甲頭催稅罷募户長壮丁 謂之免役錢六年行保甲法置保正副大小保長譏 鄉戶等第差充熙寧四年始議使民出錢官為雇役

次定四車全手

九朝編年備要

主

吳延祚罷 グシ バノド 長在錢紹與二年拘收者戶長在錢十二年拘收比 故民力于是困矣此其大器也而其患皆起于保甲 支保長壮丁錢支承帖人建中靖國元年拘收大保 肚丁并罷紹里元年後雇役二年始以大保長催 代役户寬狹不均重為民病 税一税一替能差保頭以舊耆長錢支保正戶長錢 - 雇錢蓋自保正長承帖人崔錢并起發而充役如 人とこと 大きりこうる 六月脩學祠 初上命增革學舍祠宇至是成上自替孔顏命军以 防出兵與戰上不欲邊境生事命延祚齎詔赴秦州 造務成發大木萬本以給京師西戎酋長率衆來爭 自樞客使出領雄武夕陽鎮古伏羌之地也西北接 釋所繫戎俘罷采造務 大數材植所出戎人久擅具利及吳防知秦州置采 撰餘替上一再臨幸命崔頌判監事頌始聚生徒 九朝編年備要

金ラセルとこと 冬十月班循資格 武平周行逢卒 秋八月命劇可久致仕 九月復書判拔萃科 以其年逾七十无請老意也時為大理卿 講書上聞而嘉之遣中使編賜酒果又命脩武成王 廟 及長定格編勅十二條 卷

欽定四庫全書 趙普檢校太保樞客使 幸岳臺閱騎射 平酉大閱西郊甲子又閱上謂近臣曰晉漢以来衛 亂自衡州起兵據潭州保權表聞請救 樞客使不帶正官自普始 子保權嗣領軍務衡州太守張丈表聞保權立遂作 士不下數十萬然可用者寡項閱去冗弱又親校其 月大閲 九朝編年備要 克

荆南高保弱卒 初班歷于唐 馬麗来貢 兄子繼沖嗣 湍三千足陌者死 藝今悉為精鋭矣 其王王昭也 月定强盗贓滿法

|飲定四庫全書 | 以姚内斌為慶州刺史 復置縣尉 時西羌屢為邊患故遣用之上曰分邊寄者联每優 乾德三年仍詔諸州監軍巡檢不得與州縣事 th 五代以来節度使補親隨為鎮將與令抗禮令還統 自萬户至十户置弓手有差盗賊關訟事皆歸令尉 于縣鎮將所領不及鄉村但郭內而已從趙普之請 九朝編年備要

得李繼熟于路州賀惟忠于易州姚内斌于慶州延 特免征等聽其召募驗勇以為爪牙朕雖減後官之 恤其家厚其爵禄多與公錢及屬州課利使得市易 州有趙替原州有王彦昇隰州有李謙溥瀛州有馬 南馮繼業守靈武何繼筠守棣州郭進守洛州上受 數極于儉約以備邊費亦無所惜也時諸借偽之國 禪皆因其任又益選將帥之忠勇者委以邊寄于是 未下而西北二境未賓先是周翰已命李漢超守關

|大定四車全書 | 臣皆富于財得以養募死力使為間謀洞知番情每 朝必召對命坐賜以飲食錫齊殊異以遣之由是邊 許令召募號勇以為爪牙凡軍中事許從便宜每来 郡中筦推之利悉與之恣其圖回貿易免所過任稅 得猛士守四方推赤心待人之效也 無西北之虞得以盡力東南取荆湖川廣呉楚之地 仁瑪通遠軍有董遵誨其家族在京師者撫之甚厚 冠必先知之預為之備設覆掩擊多致克捷自此 九朝編年備要 丰

蠲 蜀括逋租 時天下旱蝗河北尤甚 河北租 内斌在州逾十年遠人畏服目之為姚大蟲 北境十餘年間不敢冠邊 惟忠晓兵法有方畧得士卒心用兵所向無敵名振 過人畏伏 繼筠居北邊前後二十年深沉有智畧得士卒死力 次定四軍全書 是歲周鄭王遷居房州 成都尹無滅族之處平或謂之日如君之才固堪重 淳當謂所親日吾觀**借偽**改廳堂為宫殿紫綬為黃 龍游令田淳上疏切諫蜀主不能用 寄宜少抵抑淳曰吾安能附狗鼠哉蓋指王昭遠輩 服前驅為警蹕僚佐為卿相妻妾為妃后何如常稱 開寶中以辛文悦為知州上幼從文悦肄業及即位 d_ 九朝編年備要 =

癸亥乾徳元年 春二月天雄符彦卿来朝 長者故用之 十一月改元 召見授太子中九判太府寺鄭王時在房上以文悦 是歲荆南湖南平唐國吳趙漳泉奉正朔蜀稱廣政 一十六年南漢大寳六年北漢天會八年 一欲使之典兵趙普諫不聽宣己出復懷入從容言

次定四事全書 一 降荆南平復以繼沖領荆南 命慕容延釗等會周保權討張文表師出江陵高繼沖 彦卿武勇有謀善用兵契丹既滅晉北歸耶律徳光 母問具左右日彦卿安在或對日在徐州母日不與 上命延到等欲因假道取江陵萬繼沖使來搞師本 彦卿来何失策之甚也 之上曰彦卿豈爲朕耶普曰陛下何以能爲周世宗 一點然事遂寢 九朝編年備要 圭

澶滑等州飢遣使賑之 延到至湖南保權拒守三月入朗州獲保權湖南平 鎮武寧 縣十四萬二千户口來歸 未幾繼沖表請陪祀詔許之因舉族歸朝十二月命 不從扼吭而死上聞之日忠臣也命厚邺其家 初李景威請於荆門中道險隘處設伏襲王師繼沖 私遂将輕騎徑往襲之繼沖大懼奉表以三州十七

定折杖法 半杖十八二年杖十七一年半杖十五一年杖十三 杖十七並配役一年徒刑五曰徒三年杖二十二年 懼而備守遂命進討平之得州十四監一縣六十六 三年流三千里杖二十二千五百里杖十八二千里 徒流答杖各有數凡流刑四曰加役流杖二十配役 王師之未至也張文表已敗死保權聞王師既下判南 户九萬七千

火之口事を一三

九朝編年備要

吉

優義倉 メニュノレッル ノニー 流笞杖通用常行杖徒罪決而不役徒流者皆背受 是定折杖法常行官杖厚薄長短如周顯德中制徒 杖 七七十為十五六十為十三笞刑五曰笞五十為十 杖刑五曰杖一百為杖二十九十為十八八十為十 下四十三十為八二十十為七舊據獄官令用杖至 石别収一斗

|飲定四庫全書 | 幸國子監 置諸州通判命文臣知州 夏四月赦荆湖 乾德五年仍詔通判鈴轄都監等母得受節度使添 臣代之於是實班等通判湖南等州李昉權衡州 分節度使刺史之權也或節度使刺史有關則以文 乾徳中部發義倉服飢民者勿待報 九朝編年倘要

閱習水戰 五月命文顏致仕 行應天歷 視馬 鑿池于朱明門外送卒號水虎捷習戰池中 武成王廟 玉津園閱騎射 王處訥所上上為之序 一數臨

|飲定四車全書 | 軍巡院亦改用士人以館陷今李華安豐今趙中 國初承舊制用三司大将領糧料之職開寶六年改 臣監諸州税始此 建隆初下揚州以樞客院直學士杜韓監州稅以朝 充首選自以清望官群不肯為上曰惟致仕乃免詞 任京官以著作即陸光範為糧料使未幾京城左右 遂請老 先是上命執政擇廷臣董在京諸倉額以工部侍郎 九朝編年備要 卖 衡

泉州陳洪進廢張漢思自領軍務 六月定武成王廟從祀 尋又以京官為三司孔目司 先是上臨幸觀所畫名将指曰起殺已降不武命去 兼左右軍巡檢 終無瑕者配事梁周翰言昭等所定未當上以升點 之乃詔張昭夤儀萬錫等取歷代謀臣名将功業始 之意有所勸懲不報

定蜡社日 澶濮等州蝗 脩前歷代帝王祀典 大常博士和峴上言蜡雕之別名聖朝以成日為臘 而前日卒卯行蜡禮非是按唐貞觀中以前寅蜡 在長陵宜更立光武廟于南陽唐太宗廟于醴泉 **禹廟在陝湯廟在偃師文王在豐武王在錦漢髙祖** 詔先代帝王每三年一享堯廟在臨汾舜廟在河中 白

次定四車全書

九朝編年備要

Ē

定進馬齊郎員 唐制禮部簡試太廟齊郎文資也兵部簡試千牛備 成中定齊即歲以三十人為限同光中定千牛左右 身及太子千牛武資也盖文武陰補之制也後唐天 辰以應土他有司請用開元禮三祭同用成日從之 神外祭社稷辰日臘專宗廟開元定禮三祭皆用臘 **伙各六員歲以十二員為限至是減之兵部每歲補** 進馬十員禮部補齊即十五員臺省六品諸司五品

次主四車全書 | 命朝官知縣 卿郊迎渭揖于馬上就館始與彦卿相見畧不降屈 時符彦卿久鎮大名專恣不法屬邑頗不治故特選 强幹者往益之其後右替善大夫周渭亦知永濟彦 夢知永濟縣屯田員外郎于繼微知臨清縣常參官 登朝第一任方得蔭補 知縣自與等始也 大理正奚嶼知館陶縣監察御史王祐知魏縣楊應 九朝編年備要 支

秋七月幸武成王廟 頒新刑統 幸新池閱習水戰 ミリノレ ノ たっ 月河決濟州 縣有盗傷人而逸渭捕獲暴其罪斬之不以送府渭 故擢右替善大夫 先是為白馬主簿縣大吏犯法渭即斬之上竒具才 質儀等所定也

たいりとこれす 女真来貢 張瓊自殺 罪漢卿 蠲登州沙門島居民租賦令專治舟船渡所貢馬 漢卿漢卿曰瓊所養一敵百耳上命優鄉瓊家亦不 時軍校史珪石漢卿等方得幸瓊輕侮之二人因諧 瓊養部曲百餘人擅威上召論之不伏下有司案輪 **瓊自殺上旋聞其家无餘財只有奴三人甚悔以責** 九朝編年備要 克

金グログとこう 九月北漢冠平晉軍郭進等校之未至冠遁 奉法我猶赦汝郭進殺汝矣當選御馬直三十人隷 奏至上方閱武便殿厲聲曰御馬直千百人中始得 進麾下押隊屬與北漢人戰往往退怯進斬十餘人 北漢境无不免捷上時遣戍卒必輸之曰汝輩當謹 時北漢以契丹兵入寇進往救之郭進御軍嚴每入 足供之乃潜遣中使獎諭之嘗有軍校詣闕訴進不 二小違節度郭進遽殺之誠如此態種健兒亦不

Indentification 十月作版籍户帖户到 後上今有司為進治第用篇五有司言惟親王公主 始得用此上怒曰郭進控扼西山逾十年使我無西 有過懼而誣之耳即執付進今自誅之會北漢入冤 顧之憂我視進豈減兒女耶 立功而還奏選其秩 進謂之曰我放汝罪汝能殺怒則薦汝于朝其人果 法事上謂近臣曰所訴事多非實蓋進御下嚴此人 九朝編年備要 罕

金ラセルベー 甲子郊奉宣祖配大赦改元 前 雩祀李秋大享凡四祭昊天上帝親祀則并設皇地 郊天之禮唐制每歲冬至圍丘正月上年祈穀孟夏 先是詔以冬至有事南郊有司言冬至乃十一月晦 祇位國朝因之作擅于國城之南每歲命有司奉祀 于南郊其祭皇地祗及神州地祗亦因唐制皇地祇 月陳洪進稱藩 日皇帝始郊不應近晦乃改用十六日甲子 卷.

於定四車全書 ■ 令司天監定從祀星辰圖上之 是上命范質等講求典故質乃詳定為南郊行禮圖 丞劉温史儀仗使皇弟開封尹光義 橋道插號使先 夏别為壇于北郊云太常博士和明言祭不欲數今十 部尚書陶穀禮儀使吏部尚書張昭鹵簿使御史中 司徒兼侍中范質為南郊大禮使翰林學士承古禮 祭以夏至作方丘宫城北十四里神州地祇祭以孟 月十六日親祀南郊請權停二十九日南至之祀從之 九朝編年備要 7

十二月皇后王氏崩 輅左諫議大夫崔頌攝太僕上問儀仗名物甚悉頌 癸亥享太廟是夕陰時夜分開霽上初詣太廟乗玉 南郊禮成大宴廣政殿號曰飲福自是為例 日于典故可以輦否左右對以無害乃乘輦玉申以 應對詳敏上大悅將升壇有司具黃褥為道上日朕 潔誠事天不必如此命徹之還官将駕金輅顧左右 諡曰孝明

っていし口いる んけら 改卜安陵於西京 閏月 覆試拔萃科 出鄭起楊淼之為縣令 孟起 義曰此周也臣也不宜得罪至是並出之鄭起一 起顯德中當貼書范質言上有人望不宜握禁兵機 后之事昭憲太后也曲盡孝敬得其歡心 之亦當以是言于世宗上即位将因事誅之皇弟光 九朝編年箭要 ? 作

金グレルノニー 奉亦帝為感生帝 北漢冠府州折徳展敗之 甲子乾德二年 卒祠之奉宣祖配 崇義言國家以火德王宜别祀赤帝于是以正月上 王曰祀五方五帝以五人帝配五官三辰七宿從祀 從畢崇義之請也國朝因唐制每歲四郊迎氣及土 唐國吳越漳泉奉正朔蜀稱廣政二十七年南漢大

大さりるています 一人 以張去華為右補闕 春正月行四時參選法 員外郎以去華為右補闕朝議簿去華縣進以是不 不俟冬集 寳七年北漢天會九年 遷秩者十六年 去華為秘書即上書自薦願與知制語張澹並試 命承古陶穀武之于講武殿澹不應策問責授左司 九朝編年備要 7

金グレノへこ **范質王溥魏仁浦罷 劄子進呈退即批所得聖旨同列書字以志之由是** 未幾質卒自質寢疾上數親臨視器四不具者賜之 奏議浸多而賜茶之禮遂廢 降出即行之質等自以前朝舊臣稍存形迹每事具 賜茶而退自除號令除拜刑賞察置但入執状畫可 自唐以来宰相入見必命坐大政事則面議之從容 以質等再表求退故也

らんり四東とう 以趙普同平章事李崇矩為福客使 意時號賢相上後因講求輔弼謂左右曰范質居第 鎮質始絕之為相日命刺史縣令必以戶口版籍為 宰相循規起重名器持康節无出質之右者但欠世 急每遣使者按民田及獄皆召見為述天子憂勤之 質以康介自持門無私謁五代以來宰相多取給方 宗一死耳 之外不管資産真宰相也太宗亦素重質以為前朝 九朝編年備要 君

金ラモノとう 夏四月親策制科 官可以書物實儀曰穀所陳非承平今典令皇弟開 自昔輔相未嘗虚位唯唐太和中甘露事數日无幸 是止用勅非舊典也 尋命普監脩國史先是宰相兼職皆內降制處分至 封尹同平章事即宰相之任也上從之 相時左僕射令孤楚等奉行制書今尚書亦南省長 既除普及崇矩无宰相書動使問翰林陶穀穀謂

次至四車全書 一 改葬宣祖及昭憲皇后于安陵以孝明孝惠二后於 置条知政事 判官詞贄 周設賢良經學吏理三科至是親策賢良科得博 士日餘慶為兵部侍郎乃命二人并以本官兼之不! 尋以神主祔别廟孝明居上孝惠次之 何官穀引唐祭知政事為對薛居正時為極客直學 一欲為普置副而難其名稱召問陶穀下宰相 九朝編年備要 星 等

六月以皇子徳昭為防禦使 前代皇子出閣即封王上以徳昭未冠特殺其禮非 高宗嘗欲用郭待舉恭知政事復以其資淺止令同 齊也 宣制不押班不知印不升政事堂盖未欲遽令與普 承受平章事則平章事亞于祭政矣穀言失之 史臣曰按唐系預朝政系知政事等職皆宰相任也 舊典也紹聖中皇子初命即封國公遂為故事 卷 大下一日中八小 詔吏部奏權選人 秋七月定選法 陶穀所上詔行之自是銓逐漸有倫矣初張昭領選 門下時除而使府不許辟召募職悉由銓授 南北陝西蝗 擢者上之 凡京官七品以下猶屬銓自後京官以上无送中書 一處銓衡止憑資歷英俊或沉下僚命取選人堪升 九朝編年備要 里六

冬十一 九月永安折德康卒 タングレイ シーモ 八月置榷貨務 蜀主以蠟書遺北漢謀連兵入屆上日吾西討有名 給茶 置于京師及沿江今商旅入金帛京師執引詣沿江 以其子御熟嗣知府州自是世襲 乃命全斌等将兵三萬由鳳州道劉光義等将兵 月命王全斌等代蜀

2.11.2 蜀主聞王師出命王昭遠趙崇韜韓保正李進分兵 得侵暴違者以軍法從事又為蜀主治第以待其至 萬由歸州道進討崔彦進曹彬等副之上詔諸将母 爭勝當先遣步騎潜擊俟其稍却乃引戰棹夾攻可 拒戰全斌攻拔與州又敗蜀兵于三泉禽保正及進 必勝也光義至如上策攻克之高彦傳戰死于是蜀 初蜀于夔州鎖江為浮梁上設敵樓二重夾江列礟 上出地圖指其處謂諸將曰泝江至此切勿以舟師 九朝編年備要 聖

金グログノき 乙五乾德三年 是歲蜀平唐國具越漳泉奉正朔南漢大寶八年北 事忽謂左右日我被服如此體尚覺寒西征将的衝 時京師大雪上設寶惟于講武殿衣紫貂裘帽以視 漢天會十年 斌且諭肯諸将以不能偏及也全斌拜賜感泣 将焚浮梁而遁 犯罪霰何以堪處即解裘帽遣中黄門馳驛齊賜全 巷

うつとつられる 春正月克劔門下劔州孟昶降蜀平 數重有來徑名來蘇蜀人于江西置栅對岸可渡自 全斌等趨剱門次益光得降卒言益光江東越大山 劍門不足恃也乃分兵趨来蘇跨江為浮梁以濟蜀 此出剱門南二十里至青疆與官道合若行此路則 執王昭遠趙崇韜劉光義等進克萬施開忠四州峽 人見之棄塞而遁遂至青彊與大軍夾擊劍門破之 郡縣悉下次遂州知州陳愈舉城降盡出府庫金 九朝編年備要

金にノローたノンマー 表至全斌以聞视指軍降自全斌等發京師至视降 帛以給将士初諸将解行上謂之曰所破郡縣當傾 祭藏為朕賞戰士國家所取惟土疆耳故人皆效命 聞之大懼司空李昊勸祖降祖命昊草表前蜀之亡 所至成功如席卷之易云是時蜀兵所在清奔蜀主 四千為西川路 凡六十六日得州四十六縣二百四十户五十三萬 也降表亦具為之蜀人夜書其門曰世脩降表李家

· 於定四車全書 | ■ 甚厚始議伐蜀也詔有司治祖第一區凡五百餘間 祖尋至闕上表待罪詔釋罪祖入見上勞執之賜資 容問彬以官吏能否彬惟薦沈義倫可任 遂以賜之加昶檢校太師中書令秦國公仍授其子弟 彬禁止之故映路兵終始秋毫不犯上聞之喜曰吾 任得其人矣賜詔褒之王仁瞻自蜀返歷武諸将獨 初王師之下西蜀也諸將所過咸欲屠戮以逞獨曹 曰清康畏謹不負陛下使者唯曹彬一人耳上嘗從 九朝編年備要

赦西蜀 二月壬寅朔日當食不虧 訪賢才叙官吏蜀人以安自是下衛表平江南皆如 賜師所過租除科役賦調之无名者賬貧乏赦草 地曰汝不能死社稷貪生至今日吾所以忍死者為 汝在耳今汝既死吾安用生因不食數日亦卒 及偽相李昊等官未幾祖卒祖母李氏不哭舉酒酹 盜

大足四事人二司 | 費知梓州掛視事緩數日會亂卒爛聚夜攻州城費 時蜀中群盗四起将士多縣恣全斌等不能禁命品 忍至此當使置法以償其免 日烏合之衆必無固志旦自清矣城中止有三百人 餘慶知成都餘慶至捕斬軍校為却者民乃寧居馮 分守諸門瓚坐城樓客令促其更籌未夜分擊五鼓 之近臣管救頗切上流涕曰與師事伐婦人何罪殘 一聞西川行營有大校割民妻乳而殺之者亟召斬 九朝編年備要

置封棒庫 三月令諸州令入輸京師 シェノレーノ ショ 賊遁去 臨又置轉運使通判由是利歸公上外權削矣 自唐天寶以来方鎮屯重兵以賦入自膽上供殊鮮 開寶六年令諸州錢物盡數係省母得妄有支費 鎮闕帥稍命文臣權所在場院間遣京朝官廷臣監 五代方鎮益强率厚自利故趙普勘上革其繁時方

欠三日三人町 秋七月河決陽武 夏五月大赦 于民乃于講武殿後别為內庫以貯金帛凡歲終 國初貢賦悉入左藏庫及取荆湖下西蜀儲積充美 月籍諸道驍勇補禁衛 度之餘皆入馬 顧左右日軍旅飢饉當預為之備不可臨事厚飲 親臨武之用趙普之謀也 九朝編年備要

金ラモル 禁軍嚴差出占破之今而壮城作院各置指揮由是 禁旅就糧州郡亦不得常坐食于京師自列郡各置 按建隆中以諸郡本城兵供百役或更成他郡三司 官所部領者也三邊之兵問因事宜升為禁軍者則 按祥符天聖編勅諸郡自騎射至牢城凡名額二百 禁軍无就糧者而廂軍亦升為禁軍不復戍役矣 屯而更戍令之屯駐駐泊之名而鈴轄都監監押之 二十三總為本城而已所謂禁兵者皆三司之卒分

教閱之兵因别為額而隸之将下則今兩浙雄節福 軍省併為額則今之兩浙崇節福建保節之類是也 是列郡稍置禁軍嘉祐中詔東南帥司各置威果凡 自元昊叛而西北有保殺王倫叛而東南有宣教於 五十萬人而不足以戰于是教閱之法起其後以府 歷中升河北教閱本城為禁軍之類是已是為就糧 所謂四十四處禁軍如咸平中并陝西送中保捷慶 二十五指揮亦无過九大郡熙寧按天下廂軍之籍

火正四車~三三一

九朝編年備要

タンドノモート たる 御講武殿閱兵 九月河決澶州 矣 命治之 兵令悉以雄節之類升同禁軍由是禁軍始遍天下 諸軍緡錢俾取妻王繼勲主雄武軍不能戢下凡百 以馬軍為驍雄步軍為雄武并屬侍衛司初上 建廣節之類是也五年始排立就糧禁軍之下元豐

次主四事全書 丙寅乾德四年 權斯黄等州茶 萬緡 餘 從淮南轉運使蘇曉之請也斬黃舒 奏亦杖數十 初今婦為舅姑服三年 二月更定舅姑服制 八掠く 八妻女上聞大怒命捕杖之小黄門見而不 九朝編年備要 廬壽歲入百餘

夏四月禁獻羨餘 春三月廢義倉 五月收蜀圖書 詔曰出納之咨謂之有司張全操所言諸場院有美 致之宜寝其事仍嚴加止絕 餘多栗者請行賞典此非掊克民租私減軍食何以 唐國吳越璋泉奉正朔南漢大寶九年北漢天會-年

次至四事全事 嘗謂近臣日今之武臣欲盡令讀書貴知為治之道 重儒臣 蜀王行有此年號上數曰宰相須用讀書人由是益 近臣莫對 蜀鏡有乾德四年字上召陶穀竇儀問之儀曰昔偽 初上命宰相撰前世所无年號以改今元既平蜀得 日自奉如此欲无亡 得乎遽命碎之 一遣使收蜀圖書法物所上法物見昶七寶裝溺器 九朝編年備要

五

策制科 六月定内侍養子法 重齊也世宗遣使按之唯書數千卷无他物世宗召 中從世宗平淮甸或替上日趙某下壽州所載數車皆 年滿三十无養子者聽養一子 謀上替聖徳所以聚書欲廣聞見增智慮也 諭曰卿方為朕作將帥何用書為上珣首曰臣無竒 一性嚴重寡言獨喜讀書雖在軍中手不釋卷顯德 欽定四庫全書 -以安守忠為漢州刺史 秋七月置俸户 河決灌城 聽州縣官各置俸户 者良由此也因論前代帝王得失日晡乃罷田涉等 所武文理疎署并賜酒食遣之 天女主耳雖刑罰枉濫而終不殺仁傑所以能享國 於紫雲樓下上從容謂翰林學士承肯陶穀等曰則 九朝編年備要 月輸錢五百 五

宴近臣 以孔宜為曲阜縣主簿 月河決靈河 特命之 慕效之 孔子四十四代孫也舉進士不中因上書述其家世 發夫卒數萬命韓重斌等 董其役治之 上每遣使必戒之日安守忠在蜀能自律已汝輩宜 钦定四庫全書 一 閏月求遺書 九月寬緑坐法 開寶中又嘗謂字臣曰年穀豐登人物繁盛若非 普對日陛下爱民如此乃堯舜之用心也 不分殺麥如藩侯不為撫養務行前虐朕斷不容之 宴紧雲樓下上因論及民事謂趙普等曰愚下之民雖 太平之基也 大垂祐何以及此所宜宣恩濟治振舉闕政庶幾開 九朝編年備要 至

以党進領侍衛步軍司 時蜀戍卒有亡命在賊黨中者或請按誅其妻子 書于所執之挺謂之杖記如笏記焉進本出戎虜不 識文字上一日問進兵籍幾何進不能對舉挺日盡 先是禁軍校自軍都虞侯以上悉以所掌卒伍數細 线萬餘人 在是矣上笑謂其忠實益厚之進每擐甲胄則髭髯 曰朕慮其間有被賊驅脅非本心者乃盡釋之免者

冬十一月初用雅樂 器尚多淪廢命太常司和明講求修復皆如舊制义 皆監目光如電望之若神人 壽初用雅樂登歌文德武功二舞光是上以禮樂之 日南至上御乾元殿受朝畢常服御大明殿羣臣 此乃别造新尺并黄鐘九寸之管使工人校其聲實 準取王朴所定尺校之短于石尺四分樂聲之高由 以雅樂聲髙命峴討論峴請以司天臺景表石尺為

- Cru Dier Lainte

九朝編年備要

耄-

金にクローたとき 十二月實儀卒 陶穀趙逢高錫等共排之事遂寢卒終于翰林學士 為相趙普忌儀剛直遽引薛居正日餘慶為副又與 上以儀在滁州不與親吏交每嘉具有守屢欲用儀 儀儀不肯入亟索冠帶而後召入儀因進曰陛下創 上憫然曰天何奪我廣儀之速也上當岸情既足召 和暢至是用之 下于朴所定管一律遂别造十二律管以取聲音始

大学可引 公野 不用 然為人傾側根媚事魏仁浦堂塵而拜上素薄之遂 嘗不冠帶也陶穀文翰冠一時自以久次意且大用 業垂統宜以禮示天下上飲容謝之由是對近臣未 九朝編年備要 <u>주</u>